

在別韋司士得城字

高適 750年

高館張燈酒復清，
夜鐘殘月雁歸聲。
只言啼鳥堪求侶，
無那春風欲送行。
黃河曲裏沙為岸，
白馬津邊柳向城。
莫怨他鄉暫別離，
知君到處有逢迎。

送李少府貶峽中王少府
貶長沙

高適 752年
嗟君此別竟何如？
駐馬銜杯問謫居。
巫峽啼猿數行淚，
衡陽歸雁幾封書。
青楓江上秋帆遠，
白帝城邊古木疏。
聖代即今多雨露，
暫時分手莫躊躇。

和賈舍人早朝大明宮之作
岑參

雞鳴紫陌曙光寒，
鶯囀皇州春色闌。
金闕曉鐘開萬戶，
玉階仙仗擁千官。
花迎劍佩星初落，
柳拂旌旗露未乾。
獨有鳳凰池上客，
陽春一曲和皆難。

題廣西慶遠府城北

白龍洞

石達開 1860年

挺身登峻嶺，
舉日照遙空。
毀佛崇天帝，
移民復古風。
臨車稱將勇，
玩洞羨詩雄。
劍氣冲星斗，
文光射日虹。

馬上口占

石達開

蒼天茫茫，
群生何太苦。
大江橫我前，
臨流曷能渡？
惜哉無舟楫，
浮雲西北歎。
到耳多哭聲，
中原白日暮。

烏棲曲 李白

姑蘇台上烏栖時，
吳王宮裏醉西施。
吳歌楚舞歡未畢，
青山欲銜半邊日。
銀箭金壺漏水多，
起看秋月墜江波，
東方漸高奈樂何。

蘇台覽古

李白

舊苑荒台楊柳新，
菱歌清唱不勝春。
只今惟有西江月，
曾照吳王宮裏人。

謁先師顧洞陽公祠

海瑞 1514-1587

兩朝崇祀廟謨新，
抗疏名傳骨鯁臣。
志矢回天曾叩馬，
功同浴日再批鱗。
三生不改冰霜操，
萬死常留社稷身。
世德尚餘清白在，
承家還見有麒麟。

題峽山飛來寺

海瑞

峽中奇勝擬蓬萊，
想是當年欲建台。
天恐此方窮土木，
故令神物特飛來。

途中感懷

石達開 1861年

道路自棲棲，
塵埃障眼迷。
飄零鴻雁作，
顧影有餘悽。

贊上海新劃滿園春色
中第二號服務員

陳翰笙 1963年

人不怨言態度佳，
玲瓏服務暢襟懷。
如斯操作堪嘉許，
眾口同稱滿意齋。

月夜 杜甫

今夜鄜州月，閨中只獨看。
遙憐小兒女，未解憶長安。
香霧雲鬟濕，清輝玉臂寒。
何時倚虛幌，雙照淚痕乾。

聞官軍收河南河北

杜甫

劍外忽傳收蓟北，
初聞涕淚滿衣裳。
卻看妻子愁何在，
漫卷詩書喜欲狂。
白日放歌須縱酒，
青春結伴好還鄉。
即從巴峽穿巫峽，
便下襄陽到洛陽。

登高

杜甫

風急天高猿嘯哀，
渚清沙白鳥飛回。
無邊落木蕭蕭下，
不盡長江滾滾來。

別友劉蓉卿

馮譽駒 1856年

今宵明月正當頭，
樓外青山宿雨收。
曉色那能如夜色，
雙輪爭湧大江流。
次第探幽到洞天，
吟鞭指向夕陽顛。
劉伶醉後詩懷壯，
一路高歌入暮煙。

黃橋夜泊

馮詠菴 1864年

沿岸星星火，黃橋夜泊舟。
鐘聲雲外寺，鐙影酒家樓。
市遠人初散，羈棲客尚留。
篷牕茶熟後，獨坐數更籌。

寄誦芬四第二首

馮詠菴 1870年

(一)

聞道獅林勝蹟多，虎邱風景近如何？
遙知一路花明處，雙槳如飛劃綠波。

(二)

有淚都從別後彈，無言但祝慎如餐。
古人佳句誠堪誦，欲寫家書下筆難。

游虎丘三首

馮詠蒨 1871年

(一)

不到山塘十二秋，依然古塔枕寒流。
行來一路濃陰裏，兩岸垂楊拂畫舟。

(二)

兩傍花市與茶寮，七里行來路不遙。
共說蘇州華麗甚，畫船無不笙簫。

(三)

白傅祠前聯袂來，真娘墓上幾徘徊。
湖山舊蹟空追憶，斷碣殘碑沒草萊。

聞笛偶作

馮詠蒨 1872年

隔岸何人吹玉笛，
悠揚音韻到扁舟。
瀆川夜泊船中客，
一點青燈起暮愁。

遊天平山順道至
無隱菴

馮詠蓀 1872年

信步尋幽到上方，
無塵境界自清涼。
四圍松翠侵禪榻，
一片泉聲繞佛堂。

東華門外晚眺

陳翰笙 1963年

雨後人稀紫陌幽，
前朝陳迹有城樓。
晚霞燦爛觀奇景，
一瞬堪消萬斛愁。

山居

馮詠菴 1874年

不住山城愛住鄉，
採茶聲裏好時光。
雲開乍見遠峯露，
風過忽聞松子香。
三尺板橋通曲水，
數株楊柳拂圍牆。
陶然一醉渾無事，
閒與鄰翁話夕陽。

登馬洲孤山繞

道楞嚴寺

馮詠芝 1880年

偶坐危樓瞰碧流，
陽江山色一齊收。
潮來潮去無人問，
時見風帆出樹頭。

游惠山遠眺

馮詠芝 1885年

不到蓉湖四十年，
重來風景勝從前。
惠山拾級登臨望，
活水新烹第二泉。

長沙過賈誼宅

劉長卿 760年

三年謫宦此棲遲，
萬古惟留楚客悲。
秋草獨尋人去後，
寒林空見日斜時。
漢文有道恩猶薄，
湘水無情吊豈知？
寂寂江山搖落處，
憐君何事到天涯？

贈闕下裴舍人

錢起 770年

二月黃鸝飛上林，
春城紫禁曉陰陰。
長樂鐘聲花外盡，
龍池柳色雨中深。
陽和不散窮途恨，
霄漢常懸捧日心。
獻賦十年猶未遇，
羞將白髮對華簪。

寄李儋元錫

韋應物 785年

去年花裏逢君別，
今日花開又一年。
世事茫茫難自料，
春愁黯黯獨成眠。
身多疾病思田裏，
邑有流亡愧俸錢。
聞道欲來相問訊，
西樓望月幾回圓？

同題仙遊觀

韓翃 768年

仙台初見五城樓，
風物淒清宿雨收。
山色遙連秦樹晚，
砧聲近報漢宮秋。
疏松影落空壇靜，
細草春香小洞幽。
何用別尋方外去，
人間亦自有丹丘。

春思 皇甫冉 770年

鶯啼燕語報新年，
馬邑龍堆路幾千。
家住層城鄰漢苑，
心隨明月到胡天。
機中錦字論長恨，
樓上花枝笑獨眠。
為問元戎竇車騎，
何時返旆勒燕然？

竹枝詞之一

劉禹錫 820年

山桃紅花滿上頭，
蜀江春水拍山流。

花紅易衰似郎意，
水流無限似儂愁。

竹枝詞之二

劉禹錫 820年

楊柳青青江水平，
聞郎江上唱歌聲。
東邊日出西邊雨，
道是無情却有情。

西塞山懷古

劉禹錫 855年

王濬樓船下益州，
金陵王氣黯然收。
千尋鐵鎖沉江底，
一片降幡出石頭。
人世幾回傷往事，
山形依舊枕寒流。
從今四海為家日，
故壘蕭蕭蘆荻秋。

夜上受降城聞笛

李益 780年

回樂峯前沙似雪，
受降城外月如霜。
不知何處吹蘆管，
一夜征人盡望鄉。

晚次鄂州

盧綸 785年

雲開遠見漢陽城，
猶是孤帆一日程。
估客晝眠知浪靜，
舟人夜語覺潮生。
三湘愁鬢逢秋色，
萬里歸心對月明。
舊業已隨征戰盡，
更堪江上鼓鼙聲。

塞下曲

盧綸 782年

月黑雁飛高，
單于夜遁逃。
欲將輕騎逐，
大雪滿弓刀。

陪韋如姊東華門寓居納涼
回憶三十八年前北河沿舊居

陳翰笙 1963年

世事滄桑卅八年，
難忘故迹北河沿。
晴空今夜雲遮月，
話舊迎涼棗樹前。

山居

好問 1250年

樹合松聲滿，
村荒暮景閑。
虹收仍白雨，
雲動忽青山。

登柳州城樓

寄漳汀封連四州刺史

柳宗元 810年
城上高樓接大荒，
海天愁思正茫茫。
驚風亂飈芙蓉水，
密雨斜侵薜荔牆。
巖樹重遮千里目，
江流曲似九迴腸。
共來百越文身地，
猶是音書滯一鄉。

秋風曲

秋瑾 1906年

秋風起兮百草黃，
秋風之性勁且剛。
能使群花皆縮首，
助他秋菊傲秋霜。
秋菊枝枝本黃種，
重樓疊瓣風雲涌。
秋月如鏡照江明，
一派清波敢搖動？

昨夜風風雨雨秋，
秋霜秋露盡含愁。
青青有葉畏搖落，
胡鳥悲鳴繞樹頭。
自是秋來最蕭瑟，
漢塞唐關秋思愁。
塞外秋高馬正肥，
將軍怒索黃金甲。
金甲披來戰胡狗，
胡奴百萬回頭走。
將軍大笑呼漢兒，
痛飲黃龍自由酒。

遣悲懷

元稹 820年

(一)

謝公最小偏憐女，
自嫁黔婁百事乖。
顧我無衣搜蓋篋，
泥他沽酒拔金釵。
野蔬充膳甘長藿，
落葉添薪仰古槐。

今日俸錢過十萬，
與君營奠復營齋。

(二)

昔日錢言身後事，
今朝都到眼前來。
衣裳已施行看盡，
鍼線猶存未忍開。
尚想舊情憐婢僕，
也曾因夢送錢財。

誠知哭恨人人有，
貧賤夫妻百事哀。

(三)

閒坐悲君亦自悲，
百年多是幾多時？
鄧攸無子尋知命，
潘岳悼亡猶費辭。
同穴窅冥何所望，
他生緣會更難期。
惟將終夜長開眼，
報答平生未展眉。

望月有感

白居易

時難年荒世業空，
弟兄羈旅各西東。
田園寥落干戈後，
骨肉流離道路中。
弔影分為千里雁，
辭根散作九秋蓬。
共看明月應垂淚，
一夜鄉心五處同。

九江南岸新柳

張之洞（孝達）

潯陽江上柳娉娉，
遮斷琵琶送客亭。
秋樹年年能再綠，
行人雪鬢不重青。

卧佛寺松

張之洞 1898年

沈沈行殿四株松，
仰視摩霄翠蓋重。
臺圯池平都改變，
鶴歸惟識舊髯龍。

黃花崗

錢昌照 1963年

成敗由來未足論，
英雄浴血國更新。
黃花崗上風前樹，
猶是殷勤勵后人。

對酒

秋瑾 1904年

不惜千金買寶刀，
貂裘換酒也堪豪。
一腔熱血勤珍重，
灑去猶能化碧濤。

去常德舟中感賦

秋瑾 1902年

一出江城百感生，
論交誰可並汪倫？
多情不若堤邊柳，
猶是依依遠送人。

隋宮

李高隱 850年

紫泉宮殿鎖煙霞，
欲取無城作帝家。
玉璽不緣歸日角，
錦帆應是到天涯。
於今腐草無螢火，
終古垂楊有暮鴉。
地下若逢陳後主，
豈宜重問後庭花。

哭亡友冀朝鼎同志

陳翰笙 1963年

豪邁如君我素知，
死生離別杳難支。
平生遺業猶宏遠，
吾黨綢繆事不墮。

南甯見聞

郭沫若 1963年

南來又見英雄樹，
勁挺枝頭已著花。
慈竹參天籠雨露，
桄榔拔地入雲霞。
摩岩壁畫咸專著，
徇徂歌聲聽僮家。
自治區成方五載，
邕江燈火頌繁華。

途次柳州

郭沫若 1963年

邕江惜別柳江來，
拔地奇峯畫卷開。
南國春光弥宇宙，
公園花木映樓台。
桔奴萬頃柑為主，
虎穴千尋蚌結胎。
化作水泥兼玉帛，
倍教廊廟富良材。

大同感懷

翦伯贊 1961年

(一)

重到邊城訪舊踪，
雲岡石佛華嚴鐘。
難忘三十年前事，
風雷漫天過大同。

(二)

少年歲月去悠悠，
勝地重來已白頭。
記得鼓樓樓北路，
雪花如掌典羊裘。

訪呼倫貝爾草原

翦伯贊 1961年

錫尼河畔論英雄，

萬馬煖風汗血紅。

一代天驕今已矣，

紅旗插遍遼西東。

訪甘河游大興安嶺
原始森林

翦伯贊 1961年

九月甘河秋已深，
叢林如海氣蕭森。
春來春去年年事，
樺白松青自古今。

過泰安赴上海

陳翰笙 1963年

天際紅霞布彩雲，
重山遙似畫中涵。
今朝馳過泰安站，
便覺江南景可參。

南昌

陳翰笙 1963年

八一大橋贛江天，
南昌氣象異當年。
百花洲上綠雲滿，
血戰功高勝地傳。

井岡山 ○

陳翰笙 1963年

杉木滿山銀杏黃，
巍巍五哨敵難當。
於今四海來賓客，
贊我軍謀譽孔彰。

賀吳士林同志王勵耕博士
嘉禮

陳翰笙 1963年

人事悠悠樂半生，
因緣果熟自分明。
於今合作彰文理，
琴瑟新調律呂平。

竹里館

王維 750年

獨坐幽篁裏，
彈琴復長嘯。
深林人不知，
明月來相照。

送別

王維 752年

山中相送罷，
日暮掩柴扉。
春草年年綠，
王孫歸不歸。

過黃金埠赴景德鎮

陳翰笙 1963年

橫貫群山大道紅，
禾黃蔗綠興無窮。
旱天如以猶豐稔，
公社力強動我衷。

景德鎮

陳翰笙 1963年

立馬瓷都有茂林，
昌河運鈔勢駸駸。
新窑舊廠參觀罷，
一盞浮紅話古今。

彈琴

劉長卿 750年

泠泠七絃上，
靜聽松風寒。
古調雖自愛，
今人多不彈。

春曉

孟浩然

春眠不覺曉，
處處聞啼鳥。
夜來風雨聲，
花落知多少？

夜思

李白

牀前明月光，
疑是地上霜。
舉頭望明月，
低頭思故鄉。

聽箏

李端

鳴箏金粟柱，
素手玉房前。
欲得周郎顧，
時時誤拂絃。

江雪

柳宗元

千山鳥飛絕，
萬徑人蹤滅。
孤舟蓑笠翁，
獨釣寒江雪。

行宮

元稹

寥落古行宮，
宮花寂寞紅。
白頭宮女在，
閒坐說玄宗。

承德避暑山莊如意湖畔
親自五台山移植之黃色蓮花

陳翰笙 1963年

曲水波搖黃色蓮，
洲橋島堰在眼前。
山莊車駕頻遷變，
回溯滄桑二百年。

問劉十九

白居易

綠蠟新醅酒，
紅泥小火爐。
晚來天欲雪，
能飲一杯無？

登樂遊原

李商隱

向晚意不適，
驅車登古原。
夕陽無限好，
只是近黃昏。

尋隱者不過

賈島

松下問童子，
言師採藥去。
只在溪山中，
雲深不知處。

渡漢江

李頻

嶺外音書絕，
經冬復立春。
近鄉情更怯，
不敢問來人。

哥舒歌

西部人

北斗七星高，
哥舒夜帶刀。
至今窺牧馬，
不敢過臨洮。

玉階怨

李白

玉階生白露，
夜久侵羅襪。
却下水精簾，
玲瓏望秋月。

贈1912年長沙同學

彭沛民君

陳翰笙 1963年

五十年前同窗友，
洪都相遇喜無雙。
丹青斑駁出君手，
妙墨超群潤我邦。

(彭君任江西師範學院油畫教授)

塞下曲

盧綸 810年

林暗草驚風，
將軍袒引弓。
平明尋白羽，
沒在石稜中。

塞下曲

盧綸 810年

月黑雁高飛
單于夜遁逃。
欲將輕騎逐，
大雪滿弓刀。

芙蓉樓送辛漸

王昌齡

寒雨連江夜入吳，
平明送客楚山孤。
洛陽親友如相問，
一片冰心在玉壺。

九月二日(舊曆七月十五)宿
承德避暑山莊青蓮島

陳翰笙 1963年

水木山雲一望連，
觀荷玩鯉興悠然。
雲帆月舫如仙境，
烟雨樓頭夜不眠。

九月九日憶山東兄弟

五維

獨在異鄉為異客，
每逢佳節倍思親。
遙知兄弟登高處，
遍插茱萸少一人。

中秋節

陳翰笙 1963年

看盪入宮佳節過，
林中黃葉奈秋何。
晝遊紫禁觀松柏，
夜玩冰輪接漢河。
矛盾萬千伏巨浪，
精誠一致始言和。
滿腔世事憑誰訴，
今夕茫茫感嘯歌。

桃花谿

張旭

隱隱飛橋隔野烟，
石磯西畔問漁船。
桃花盡日隨流水，
洞在清谿何處邊？

回鄉偶書

賀知章

少小離家老大回，
鄉音無改鬢毛衰。
兒童相見不相識，
笑問客從何處來？

春宮曲

王昌齡

昨夜風開露井桃，
未央前殿月輪高。
平陽歌舞新承寵，
簾外春寒賜錦袍。

涼州詞

王翰

葡萄美酒夜光杯，
欲飲琵琶馬上催。
醉臥沙場君莫笑，
古來征戰幾人回？

下江陵

李白

朝辭白帝彩雲間，
千里江陵一日還。
兩岸猿聲啼不住，
輕舟已過萬重山。

江南逢李龜年

杜甫

岐王宅裏尋常見，
崔九堂前幾度聞。
正是江南好風景，
落花時節又逢君。

秋夜

陳翰笙 1963年

一片秋光照苦辛，
寥寥萬籟月華新。
平生宿願成痴絕，
海內知心有幾人？

滁州西澗

韋應物

獨憐幽草澗邊生，
上有黃鸝深樹鳴。
春潮帶雨晚來急，
野渡無人舟自橫。

楓橋夜泊

張繼

月落烏啼霜滿天，
江楓漁火對愁眠。
姑蘇城外寒山寺，
夜半鐘聲到客船。

五十四岁初度

吴佩孚 1927年2月
河南巩县

民用军人皆紫袍，
为何不恤民尔劳？
玉杯饮尽千家血，
红燭烧残百姓膏。
天淚落時人淚落，
歌声高处哭声高。
逢人都道民生苦，
苦害生灵是尔曹！

题吴佩孚画竹

章太炎 1928年
大竹(四川)

大块成天籁，
因风盡鳴于。
干霄何足羨，
所貴在心靈。

烏衣巷

劉禹錫

朱雀橋邊野草花，
烏衣巷口夕陽斜。
舊時王謝堂前燕，
飛入尋常百姓家。

征人怨

柳中庸

歲歲金河復玉關，
朝朝馬策與刀環。
三春白雪歸青塚，
萬里黃河繞黑山。

月夜

劉方平 820年

更深月色半人家，
北斗闌干南斗斜。
今夜偏知春氣暖，
蟲聲新透綠窗紗。

赴承德途中

陳翰笙 1963年

青山遠護高粱田，
越過密雲景更妍。
峻嶺曲經廿七洞，
遙看果木競回旋。

聽角思歸

顧况 810年

故園黃葉滿青苔，
夢后城頭曉角哀。
此夜斷腸人不識，
起行殘月影徘徊。

晚行口詠

杜甫

三川不可到，
歸路晚山稠。
落鴈浮寒水，
飢鳥集戍樓。
市朝今日異，
喪亂幾時休。
遠愧梁江總，
還家尚黑頭。

輓劉道一

孫文 1907年

半壁東南三楚雄，
劉郎死去霸圖空。
尚餘遺業艱難甚，
誰與斯人慷慨同。
塞上秋風悲戰馬，
神州落日泣哀鳴。
幾時痛飲黃龍酒，
橫攬江流一奠公。

慶齡先生折骨後
靜養中賦詩慰之

五十年來常觸邪，
風霜受命為國家。
捫天撓骨折復續，
松柏堅貞譽有加。

陳翰笙
1964年

詠馬

謝孝莘
1964年

竹批峻耳追風急，
雪濺霜蹄踏鐵高。
如此驍騰今易致，
人間多有九方皋。

病樹

謝孝莘 1964年

病樹前頭萬木繁，
沈舟側畔過千帆。
長江后浪吞前浪，
初日朝嵐勝夕嵐。

春詞

劉禹錫

新妝宜面下朱樓，
深鎖春光一院愁。
行到中庭數花朵，
蜻蜓飛上玉搔頭。

宮詞

白居易

淚盡羅巾夢不成，
夜深前殿按歌聲。
紅顏未老恩先斷，
斜倚薰籠坐到明。

宮中詞

朱慶餘

寂寂花時閉院門，
美人相並立瓊軒。
含情欲說宮中事，
鸚鵡前頭不敢言。

赤壁

杜牧

折戟沉沙鐵未銷，
自將磨洗認前朝。
東風不與周郎便，
銅雀春深鎖二喬。

靜望

1963年陳翰笙

青年好似春光美，
春筍叢叢兩后生。
營養宜從泥土得，
微虫須近太陽平。
耐心富有勤修志，
敏捷能標應變情。
多士勉成天下業，
明朝快到好將迎。

遣懷

杜牧 845年

落魄江湖載酒行，
楚腰纖細掌中輕。
十年一覺揚州夢，
贏得青樓薄倖名。

1963年除夕有感

陳翰笙

世界今年政象新，
西方元首命不辰。
巴黎領袖不親美，
赫魯_迎降敵墮暗塵。

(肯尼迪十一月十二日被暗殺)

(戴高樂時美政府不合作)